



**Ka Mopresidente  
Dieter F. Utchtdorf**  
Mokhanselara wa Bobedi mo  
Bopresidenteng jwa Ntlha

# Tiro ee Kgolo ya Modimo

## **Moranang 6, 1830**

Dingwaga tse di lekgolo le masome a robang bobedi tse di fetileng, Joseph Smith, Oliver Cowdery, le ba bangwe ba le mokawana ba ne ba kgobokana go aga Kereke ya ga Jesu Keresete ya Baitshepi ba Malatsi a Bofelo. Ka mekgwa e e farologanyeng, e ne e le bokopano jo bo bonolo mme e bile bo le boitshepo. Joseph o bega fa morago ga selalelo, “Mowa yo o Boitshepo o ne wa re tshologela ka bokete — mo bangwe ba ne ba porofita, fa re ntse re rorisa Morena, re ipela fela thata.”<sup>1</sup>

Ditiragalo tse di fetile fela di sa lemogwa ke lefatsheng; di ne di sa amogelwa ka ditlhogo mo dipampiring tsa dikgang kgotsa mekgosi. Le fa go ntse jalo, magodimo one a ne a ipelafatsa jang e bile a galaletsa Modimo — gonne ka lone tsatsi leo, Kereke ya ga Keresete e ne e boetse lefatsheng!

## **Solomon Chamberlain**

Go tswa tsatsi leo go fitlhela le, didikadike tsa barwa le barwaetsana ba ga Rraetsho kwa Legodimo ba setse morago tshedimoso ya Mowa yo o Boitshepo ba bo ba tsena mo metsing a a boitshepo a kolobetso. Mongwe wa go tshwana le bao e ne e le Solomon Chamberlain.

Solomon e ne e le monna yo o semowa e bile o ne a tsaya dihora di le dintsi mo thapelong, a senka

maitshwarelo a dibe tsa gagwe gape a kopa Rraetsho kwa Legodimong go mo kaela nnete. Nako nngwe ka bo 1816, Solomon o ne a solofediwa mo ponong gore o tlaa tshela go bona letsatsi le ka lone Kereke ya ga Keresete e tlaa agiwang morago ga thata ya boaposetole e busediwa gape mo lefatsheng.

Morago ga dingwaga Solomon o ne a tsere loeto ka sekepe se se neng se lebile Canada fa se ne sa ema mo toropong e nnye ya Palmyra, New York. Koo o ne a utlwa maatla a magolo a mo gogela go fologa. Le ntswa a ne a sa itse lebaka la gore ke eng a ne a le foo, o ne a simolola go bua le banni ba toropo. Ga go a mo tsaya sebaka se se kalo go fitlhela a utlwa mabarebare ka “Baebele ya gouta.” O ne a bua fa mafoko ao a ne a mo itaya ka “maatla jaaka motlakase [o o] neng o tswa godimo ga tlhogo ya gagwe go fitlha menwana ya dinao.”

Dipotsolotso tsa gagwe di ne tsa mo gogela kwa motseng wa ga Smith, kwa a neng a bua le ba a ba fitlhetseng ka dikgang tse di makatsang tsa tsosoloso ya efangedi. Morago ga go nna malatsi a le mabedi koo le go amogela bopaki ka nnete, Solomon o ne a tswele-disa mosepele wa gagwe go ya Canada, a tsaya ditsebe di le 64 tse dintsha, tse di sa lomaganngwang tsa Buka ya ga Momone. Gongwe le gongwe ko a neng a go ya, o ne a ruta batho, “botlhe kwa godimo le kwa tlase,

bahumi le batlhoki . . . go ipaakanyetsa tiro e e kgolo ya Modimo e e neng e tloga e diragala.”<sup>2</sup>

## Tiro e e Kgolo ya Modimo

Go simolola ka tsatsi lele ka Moranang 1830, didikadike tsa batho di itemogetse bonnete jwa efanngedi e e tsosolositsweng e bile ba tsene ka metsi a kolobetso. Ke paka fa “tiro e e kgolo e ya Modimo” e le mo lefatsheng gompiano. Ke fa bosupi gore Morena o okametse Kereke ya Gagwe e bile o e laola ka moporofite wa Gagwe, Mporesidente Thomas S. Monson. Ga se lesego fela jaaka a mangwe go tshela mo malatsing a bofelo. A ke malatsi a kgalalelo, a sale a bonwe ke baporofite ba pele e bile a eteletswa ke baengele ba ba kelelelo. Morena o kelelelo ka Kereke ya Gagwe. E bile o kelelelo ka ba ba tshwanang le Solomon Chamberlain, ba ba salang morago tshedimoso ya Mowa yo o Boitshepo ba bo ba ipopa le bakaulengwe lefatshe ka bophara mo go thuseng go tsisa tiro e kgolo e ya Modimo.

### DINTLHA

1. Joseph Smith, mo *History of the Church*, 1:78.
2. “A Short Sketch of the Life of Solomon Chamberlain,” typescript, Church History Library (mo Internet kwa [www.boap.org/LDS/Early-Saints/SChamberlain.html](http://www.boap.org/LDS/Early-Saints/SChamberlain.html)); bona le William G. Hartley, “Every Member Was a Missionary,” *Ensign*, Lwetse. 1978, 23 Malatsinyana morago ga go tlhomiwa ga Kereke, Solomon Chamberlain o ne a kolobediwa ke Joseph Smith mo metsing a Seneca Lake, New York.

## GO RUTA GO TSWA MOLAETSENG O

**G**o nna sekai ke nngwe ya didirisiwa tsa thuto tse “re nang natso” (*Teaching, No Greater Call* [1999], 18). Fa o amagana polelo ka ga Solomn Chamberlain, laletsa ba lelwapa go leba dinako tse a neng a sala morago tshedimoso ya Mowa. Buisanang ka ka fa sekai sa gagwe se neng sa thusa ba bangwe. Laletsa maloko a lelwapa go amogana ka nako e sekai sa mongwe se se molemo se neng sa ba thusa.

## BONANA

### Tekeletso ya Tumelo yame

Ka Jason Young

*Fa ke le 13, ke ne ka simolola go bala Buka ya ga Momone tsatsi le letsatsi, jalo ka segofadiwa malatsi otlhe go tsweng foo.*

**B**orutelo jwa rona jwa Sekolo sa Tshipi jwa ba ba dingwaga tse 13 bo ne bo itsege ka go tlhoka tshisibalo. Le fa go ntse jalo, re ne re na le morutabana o o siameng yo a neng a leka ka bojotlhe jwa gagwe go ruta thuto nngwe le nngwe ka Mowa. Nngwe ya dithuto tseo e ne e le ka go bala lefoko le le boitshepo.

Kwa phelelong ya thuto o ne a re fa teko. E ne e direletswa mongwe le mongwe, mme ka lebaka lengwe o ne a lebagana le nna ka sebele fa a re, “Ke le gwe-tlha go bala go tsweng Buka ya ga Momone tsatsi le letsatsi!” Ke ne ka ithaya mo pelong ka re, “Ke tlaa go bontsha. Ke tlaa dira jalo!”

Ke ne ka simolola 1 Nephi kgaolo 1 jone bosigong joo ka ba ka tswaledisa go bala tsatsi le letsatsi. Gongwe ke ne ke sa simolola ka mowa o o leng one, mme fa nako e ntse e tsamaya ke ne ka simolola go rata ka fa go bala Buka ya ga Momone go neng go dira gore ke ikutlwe. Go bala bosigo le bosigo go ne ga nna mkgwa o o monate.

Morago ga dikgwedi ke ka tla go Alema 32 mme ka kgatlhwa ke mogopolo wa tekeletso ya tumelo. Kwa sekolong re ne re sa tswa go ithuta ka go tsamaisa ditekeletso tsa maranyane, ka jalo ke ne ka khubama ka bolelela Rraetsho kwa Legodimong gore ke simolola tekeletso. Ke ne ka kopa gore ke tle ke itse gore a Buka ya ga Momone ke nnete.

Fa ke lebelo morago, ke itse gore Rraetsho kwa Legodimong o arabile dithapelo tsame gantsi. Go bala malatsi otlhe go tswa mo Buka ya ga Momone go mphile bokgoni jo bo oketsegileng go fenywa bosula. Ke ne ka ikutlwa ke le gaufi le Rraetsho kwa Legodimong. Ke ne ka ikutlwa ke nonofaditswe ke maatla a Mowa yo o Boitshepo go fenywa dikgwetlho. Se Alema a se buileng ka go dira tekeletso ka lefoko la Modimo ke nnete: “Le simolola go godisa mowa wame; ee, le simolola go sedimosa thaloganyo yame, ee, le simolola go natefelela” (Alema 32:28).

## BANA

### Ga se Lesego jaaka a Mangwe

**K**ereke e tlhomilwe dingwaga di le 180 tse di fetileng ka kgwedi yone e. Moporesidente Dieter F. Uchtdorf o rile “ga se lesego jaaka a mangwe” go tshela gompiano, fa Kereke e tsosolositswe. Go bona masego

a mangwe a a magolo a Rraetsho kwa legodimong a a  
fang batho ka Kereke, leba ditemana tse di fa tlase.

Ditiro 22:16

2 Nefae 32:5

James 5:14–15

D&C 20:8–11

Amose 3:7

D&D110:7–10

# Go Batla le go Amogela Tshenolo ka Bongwe



*Ruta mafoko a a boitshepo le dinankolo kgotsa, fa go tlhokafala, molawana o mongwe yo o tlaa segofatsang bakaulengwe bao ba etelang. Fa bosupi ka dithuto Laletsa bao ba etelang go abelana maikutlo ka se ba se ithutile*

## Ke ka Batla Jang Tshenolo ka Bobosi?

“Re ipaakanyetsa go amogela tshenolo e ka bobosi jaaka baporofite, ka go bala mafoko a a boitshepo, go itima dijo, go rapela, le go aga tumelo. Tumelo ke senotlele. Gakologelwa ipaakanyo ya ga Joseph Smith go amogela Pono ya Ntlha:

“Fa ope mo go lona a tlhabela bothlale, a botse Modimo. . . .

“Mme a botse ka tumelo, a sena pelaelo.”<sup>1</sup>

**Mogolwane Robert D. Hales wa Khoramo ya Baaposetole ba ba Lesome le Bobedi.**

“Thapelo ke senotlele sa gago go legodimong. Setswalo se ka fa lethlakoreng la gago la lesire.

“Mme se ga se gone gotlhe. Go yo o neng a ithaya gore tshenolo e tlaa elela go sena maiteko, Morena o rile:

“Ga oa tlhaloganya; o ne o ipoleletse gore ke tlaa go e neela, fa o ne o sa akanya sepe ntle le go mpotsa.

“Mme, bona, Ke go raya ke re, o tshwanetse wa e sekaseka mo tlhaloganyong; jalo o mpotse gore a e siame, fa e siame ke tlaa dira gore

pelo ya gago e tuke mo go wena; ka jalo, o tlaa utlwa gore e siame.”<sup>2</sup>

**Moporesidente Boyd K. Packer, Moporesidente wa Khoramo ya Baaposetole ba ba Lesome le Bobedi.**

## Ke ka Amogela Jang Tshenolo ka Bobosi?

“Mo mefuteng ya yone e e tlwalesegileng, tshenolo kgotsa tshedimoso e tla ka tsela ya mafoko kgotsa dikakanyo tse di tlang mo tlhaloganyong (bona Enose 1:10; D&D 8:2–3), ka tshedimoso ya tshoganetso (bona D&D 6:14–15), ka maikutlo a a bonolo kgotsa a a bosula mabapi le ditshwetso tse di lebilweng, kgotsa le e bile ka metshameko e e sedimosang, jaaka mo bothakgeng jwa metshameko ya botaki. Jaaka Moporesidente Boyd K. Packer, . . . Moporesidente wa Khoramo ya Baaposetole ba ba Lesome le Bobedi, a buile, “Tshedimoso e tla thata e le maikutlo go na le e le modumo.”<sup>3</sup>

**Mogolwane Dallin H. Oaks wa Khoramo ya Baaposetole ba ba Lesome le Bobedi.**

“Tempele ke ntlo ya boithutelo. Bontsi jwa kaelo e e fiwang mo tempeleng e bokao bofitlha e bile e ithutiwa ka Mowa. Se se raya gore re rutiwa go tswa godimo. . . . Go tlhaloganya ga rona ga bokao jwa ditlhomolele dikgolagano go tlaa oke-tsega fa re boela tempeleng kgapetsa ka mowa wa go ithuta le go akanya ka boteng nnete ya bosakhutleng e

## DITHUSO TSA THUTO YA KETELO

O le moruti wa ketelo, o ka amogela tshedimoso ka Mowa mabapi le se bakaulengwe ba se tlhokang le gore o ka ba thusa jang. Fa o ruta molaetsa o, amogana, jaaka go tlhokafala, tshedimoso nngwe le nngwe kgotsa thusa thuso e o e amogetseng mabapi le thuto ya ketelo.

## IPAACKANYO YA GAGO

1 Samoele 3:10

1 Dikgosi 19:11–12

Alema 5:46; 26:22

3 Nefae 19:19–23

D&D 8:2–3; 9:8–9; 88:63–64

e rutiwang. . . . A re akoleng maatla a semowa le tshenolo e re e amogelang fa re etela tempele kgapetsa.”<sup>4</sup>

**Silvia H. Allred, mokhanselara wa ntlha mo moporesidente-kakaretso jwa Mokgatlho wa Thuso.**

## DINTLHA

1. “Personal Revelation: The Teachings and Examples of the Prophets,” *Liahona*, Ngwanatsele 2007, 88.
2. “Personal Revelation: The Gift, the Test, and the Promise,” *Ensign*, Ngwanatsele 1994, 59–60.
3. “Eight Reasons for Revelation,” *Liahona*, Lwetse 2004, 8.
4. “Holy Temples, Sacred Covenants,” *Liahona*, Ngwanatsele 2008, 113, 114.

© 2009 ka Intellectual Reserve, Inc. Tetla tsothe di beilwe. E gatisitswe mo USA. Tetla ya Sekgoa: 6/09. Tetla ya Thanolo: 6/09. Tlhanolo ya April 2010 *Visiting Teaching Message*. Tswana. 09364 763